

Das erste Capitel

Wie diß Instrument mit sampt was
 darzu gehört / sol von Nösching zubereit / vnd gemacht
 werden / wie es dann in zweyen Kupffern
 auffgerissen ist.

In diesem Instrument sollen
 die drey Reglen eines Schüch lang vnges-
 fahr gemacht werden / oder länger / vnd mehr
 dann eines halben Zolls breit / diese drey Reg-
 len werden in ein anderen gefügt / in dem
 Centro A. gleych einem Circel / vnd sol in dem Centro ein ge-
 fiere Loch gemacht werden / das man ein Schrauffen darinn
 stecken kan / wie sie in der Figur mit Buchstaben VV. verzeich-
 net ist / Es sol an der mittleren Regel ein Schieberlin mit ei-
 nem Stellsträublin gemacht werden / wie es mit dem Sterna-
 lin verzeichnet ist / es werden auch an diß Schieberlin zwey
 ärmelin gleycher länge geschraufft / die werden mit dem ande-
 ren ortz ein jedes an die anderen zwey Reglen geschraufft / so
 man das Instrument auff oder zu thut / wirdt das Schiebers-
 lin an der mittleren Regel darmit auff vnd ab geruckt / wey-
 ters sol an die Regel A. B. vnd A. C. zwey rückerlin gemacht
 werden / jedes mit einem Fädern vnd Spizlin wie dann in
 der Figur zusehen vnd mit den Buchstaben D. E. verzeichnes
 ist / weyters wirdt noch ein rückerlin gemacht mit zweyen stell-
 sträublin / wirt mit einem creuzlin verzeichnet / es sol auch an
 der mitelern Regel vnden ein Magnetkasten gemacht wer-
 den / auff welche seyt man das Instrumente lehrt vnd wendet
 sol der Magnetkasten allzeit auffrecht stahn / die Scheyben so
 in dem Magnetkasten darinn das spizlin vnd zinglin ist / sol in

Die Schrau-
 fen vnd spin-
 lin / vnd sä-
 derlin sollen
 auch von nö-
 sching ge-
 macht wer-
 den / gibt
 sonst dem
 Magnetkäs-
 tin verhin-
 derung.